

七經同卷

九光經

九光經

土曜經

土曜經

五星秘授經

五星秘授經

證果經

證果經

續命經

續命經



玉清无上靈寶自然北斗本生真經

三十六天大司命宸京保命大天帝君下傳

洪惟

大道浩浩赤明元始開圖化導群有現大光明照百千界於玉清皇極宮中放種種光明所謂金藏雲光玉藏雲光珠藏雲光海藏雲光香藏雲光花藏雲光火藏雲光五行之光周徧天下下及人寰上則萬二千天下則八千萬國莫不承我

元始之力一時雲集聽說无上至真妙道

元始上帝太極真尊撫明雲几下觀大衆發
大梵音如大天鼓震響十方天上天下一時
皆謂

元始上帝與我獨語莫不歡喜誠服聽受
元始上帝乃敷奧義大發至真之淵淪披迷

雲之日月其時龍音雷吼駭聽動心

道曰一心玄微廣包萬景之多一心所受表
裏洞然本无留礙生死去來如影如夢緣何
倒置認此爲真淪沒妄波不能出離方說是
法時有真人從座而起虔恭百拜仰瞻威容

告真尊曰臣名寶上諸天子中最爲第一今
有微願望賜開弘臣所願也中天七星巍巍
赫奕統御群曜幹旋炁運斟酌死生成力至
重以何因緣殊勝第一起自何劫始終之化
願詳聞之

庚八

十二

真尊歎曰大哉汝之問也在昔龍漢有一國
王其名周御聖德无邊時人稟受八萬四千
大劫王有玉妃明哲慈慧號曰紫光夫人誓
塵劫中已發至願願生聖子輔佐乾坤以裨
造化後三千劫於此王出世因上春日百花

榮茂之時遊戲後苑至金蓮花温玉池邊脫
服澡盥忽有所感蓮花九包應時開發化生
九子其二長子是爲

天皇大帝紫微大帝其七幼子是爲貪狼巨
門祿存文曲廉貞武曲破軍之星或善或惡
化導群情於玉池中經于七日七夜結爲光
明飛居中極去地九千萬里化爲九大寶宮
二長帝君居紫微垣太虛宮中勾陳之位掌
握符圖紀綱元化爲衆星之主領也昔大願
注此剛強世界七千萬劫方還玉清紫光夫

人亦號北斗九真聖德天后道身玄天大聖
真后應現上天南嶽是名慶華紫光赤帝之
尊若有信心男女能於上春日一心齋戒肅
爾神明設九光醮迎請紫光聖母并七元君
虔恭奏獻縱有多劫十惡重罪冤家苦報如

辰八

十三

九日輪照於冰山應時消釋上至國王大臣
下及民庶能奉之者感獲景貺福壽增延无
量天真俱來擁衛見世圓滿子孫昌盛命終
之後超生大梵真天世上之士若能常誦九
光真經設九光醮持紫光名智慧福壽如彼

甘泉隨汲隨發受用無盡此功德藏世間第一
汝當傳布助我道風寶上真人既聞金口
所宣與諸天衆莫大歡躍感謝鴻恩各起心
念我等當供養真尊真尊之恩如父如母難
以報稱於是各運神通就玄空中散百千萬
種光明寶藏無量光明寶香無量光明寶雲
無量光明寶雨無量光明天樂不鼓自鳴並
合節奏無量大寶光明宮殿旋空而下至真
尊前而爲貢獻無鞅真聖萬口一辭讚揚真

梵口稱偈曰

巍巍元始尊

神通居第一

世間无與比

如日照萬天

智慧廣方便

而能化有生

我等以萬身

身身俱萬舌

以讚真尊道

窮劫不能盡

仁哉紫光天

善能變現身

男形或女形

應機而接物

歸命北極母

无盡功德海

永爲盲者目

照耀於今古

功德與元始

通爲内外化

陶鎔大法器

普成无量真

寶上真人與諸天衆說是偈畢一切天神敬

禮真尊奉辭而退

玉清无上靈寶自然北斗本生真經

